

ՄԱՍԼՈ ՀԱՂՈՐԴԱԳՐՈՒԹՅՈՒՆ

Բրյուսել, դեկտեմբերի 11, 2013թ.

Եվրամիությունը Հայաստանին մուտք է շնորհում դեպի իր գերատեսչություններ և ծրագրեր

Այսօր՝ դեկտեմբերի 11-ին, Եվրախորհրդարանը տվեց իր համաձայնությունը Հայաստանի Հանրապետության մասնակցությանը ԵՄ գերատեսչություններին և ծրագրերին՝ ընդունելով այդ մասին Եվրախորհրդարանի պատգամավոր Թոմաշ Պորեբայի հեղինակած զեկույցը, որը հանդիսանում է առաջին շոշափելի համագործակցության քայլը վերջերս Վիլնյուսի գագաթնաժողովում ընդունված ԵՄ-Հայաստան հռչակագրից հետո:

Մասնավորապես Հայաստանը հնարավորություն կունենա մասնակցելու ԵՄ համաշխարհային առաջատար ծրագրերին մշակույթի, կրթության, շրջակա միջավայրի և գիտության բնագավառներում: Հայաստանցի քաղաքացիները կինտեգրվեն ԵՄ այնպիսի գերատեսչություններ, ինչպիսիք են ավիացիոն անվտանգությանը, բժշկությանը և շրջակա միջավայրին, ինչպես նաև բոլոր այլ մակարդակներում:

«Վիլնյուսի գագաթնաժողովի մասնակիցները քննարկվել են ԵՄ-Հայաստան համագործակցությանը նպաստելու և այն ձեւավորելու լավագույն ձեւերը՝ միաժամանակ հարգելով Հայաստանի կոմպլեմենտար արտաքին քաղաքականությունը և ինտեգրումը Մաքսային միություն: Հայաստանին ԵՄ գերատեսչությունների և ծրագրերի մուտք շնորհելը, ինչն առայսօր վերապահված էր մեծամասամբ Եվրամիության անդամ երկրներին, շատ կոնկրետ քայլ է ճիշտ ուղղությամբ և Հայաստանին թույլ կտա երկրի արդիականացման համար կենսական նշանակություն ունեցող ֆինանսական և վարչական օգուտներ քաղել: Կարծում եմ՝ սա ավելի քան հուսադրող ազդանշան է երկու կողմերից՝ շարունակելու առաջ շարժվել կոնկրետ ժամկետներում՝ օգուտ ապահովելով բոլոր ներգրավվածների համար», - մեկնաբանում է ՀԵԲ-ի գլխավոր քարտուղար Մայքլ Քամբեքը:

Եվրախորհրդարանի զեկույցն ընդգծում է, որ Հայաստանի Հանրապետությունն է խնդրել մուտք դեպի ԵՄ ծրագրեր և գերատեսչություններ, և որ իր այս նախաձեռնությամբ Եվրամիությունը նպատակ ունի խթանել պետության արդիականացումը:

Վիլնյուսի հռչակագրին համահունչ՝ զեկույցը հստակ սահմանում է, որ «... դա թույլ կտա Միության որոշակի ծրագրերի աստիճանական բացումը կամ ուժեղացված մասնակցություն Հայաստանի համար՝ առաջարկելով մշակութային, կրթական, բնապահպանական, տեխնիկական և գիտական կապերի հետագա խթանմանն ուղղված հնարավորություն, ընդլայնելով մարդկանց միջև շփումները և ոլորտային համագործակցությունը, ի լրումն այդ ամենի ամրապնդելով քաղաքականը և հարաբերությունները Արևելյան գործընկերության միջոցով... »

Հայաստանի Հանրապետությունը յուրահատուկ իրավիճակում է՝ քաղելու համար առավելագույնը ԵՄ-ի հետ սկսվող այս նոր փուլից, քանի որ Վերածնունդ միջազգային հիմնադրամի՝ ԱլԳ երկրների ինտեգրմանը վերաբերող վերջին ցուցանիշի համաձայն՝ Հայաստանն արդեն երկրորդ լավագույն դիրքում է շահելու համար ԵՄ ծրագրերին և գերատեսչություններին իր մասնակցությունից:



Տեղեկատվություն

Հայաստանի Հանրապետությունը կարող է, մասնավորապես, միանալ ԵՄ այնպիսի ծրագրերի, ինչպիսիք են շրջակա միջավայրին և կլիմայի գործողություններին վերաբերող LIFE-ը, որն ունի 3.29 մլրդ եվրոյի բյուջե 2014-2020թթ ժամանակահատվածի համար, գիտելիքին, նորարարությանը և կայուն զարգացմանն ուղղված HORIZON 2020-ը՝ 70.2 միլիարդ եվրո բյուջեով նույն ժամանակահատվածի համար, կամ հայտնի ERASMUS PLUS-ը այլ ծրագրերի շարքում, քանի դեռ դրանց կանոնադրությունները և նպատակները թույլ կտան նման մասնակցություն, կկատարվի ֆինանսական ներդրում և կստորագրվի երկկողմ փոխըմբռնման հուշագիր:

Բացի այդ, հայ պաշտոնյաները կներգրավվեն այդ ծրագրերի կառավարման և ԵՄ գերատեսչությունների գործունեության մեջ, ինչպիսիք են Եվրոպական ավիացիայի անվտանգության գործակալությունը (EASA), Շրջակա միջավայրի եվրոպական գործակալությունը (EAA), Եվրոպական դեղերի գործակալությունը (EMA) և այլն՝ այդպիսով ձեռք բերելով համաշխարհային առաջատար կառույցների փորձառությունն ու հմտությունները համապատասխան ոլորտներում, որոնք կարող են փոխանցվել դեպի իրենց ազգային կառավարում:

ՀԵԲ-ը ուրախ կլինի այս թեմայով մեկնաբանություններ կամ վերլուծություն տրամադրել անգլերեն, գերմաներեն, իսպաներեն, լեհերեն, ռուսերեն և հայերեն լեզուներով: Եվրոպա-Հայաստան խորհրդի անդամները նույնպես պատրաստ են մեկնաբանել այս թեման, հարցերի դեպքում կարող եք դիմել մեր քարտուղարություն:

ՀԵԲ-ի և Եվրոպա-Հայաստան խորհրդի մասին ավելին իմանալու համար այցելեք մեր կայքը՝ www.EuFoA.am:

Բարձրորակ նկարներ կարող եք գտնել մեր կայքում կամ մեզ դիմելով: Կարող եք դրանք օգտագործել "Copyright: www.EuFoA.org" հղմամբ: